

**Projekat CEB II – “Zatvaranje kolektivnih centara i alternativnih smještaja pružanjem javnih stambenih rješenja - LD 1789 (2013)” koje implementira PIU FBiH**

Broj: 04-36-1-2053 - 2092/13  
Sarajevo, 09.06.2023.godine

Na osnovu člana 64. stav (l), tačka a), člana 70. stav (3) i (6) Zakona o javnim nabavkama („Službeni glasnik BiH” broj: 39/14 i 59/22), a na Preporuke Komisije za javnu nabavku broj: 04-36-1-2053-2086/13 od 09.05.2023. godine, u Otvorenom postupku javne nabavke za izvođenje građevinskih radova na izgradnji Doma za stara i iznemogla lica u Gradu Goražu (30 stambenih jedinica) u okviru Projekta CEB II „Zatvaranje kolektivnih centara i alternativnog smještaja pružanjem javnih stambenih rješenja - LD 1789 (2013)“, 03/23 CEB II Pod-projekat 104 CON, provedenog na osnovu Obavještenja objavljenog na Portalu javnih nabavki pod brojem: 668-1-3-13-3-29/23 od 27.03.2023. godine, Ugovorni organ  **d o n o s i**:

**O D L U K U**  
**O IZBORU NAJPOVOLJNIJEG PONUĐAČA**

**Član 1.**

Prihvata se Preporuka Komisije za javnu nabavku broj: 04-36-1-2053-2086/13 od 09.05.2023. godine, da se u cilju odabira najpovoljnijeg ponuđača po provedenom Otvorenom postupku javne nabavke za izvođenje građevinskih radova na izgradnji Doma za stara i iznemogla lica u Gradu Goražu (30 stambenih jedinica) u okviru Projekta CEB II „Zatvaranje kolektivnih centara i alternativnog smještaja pružanjem javnih stambenih rješenja - LD 1789 (2013)“, Pod-projekat 104 CON, Ugovor za javnu nabavku radova dodijeli ponuđaču **GPD Drina d.d. Goražde**, sa registrovanim sjedištem u ul. Sinica 14, 73000 Goražde, ID 4245021800004, sa najbolje ocijenjenom i prihvatljivom Ponudom broj: 08-01-137/23 od 18.04.2023. godine, za ponudenu cijenu od **4.117.046,35 KM sa PDV-om**.

**Član 2.**

Prijedlog Ugovora o nabavci dostavit će se na potpis izabranom ponuđaču, nakon isteka roka od 15 dana, računajući od dana od kada su svi ponuđači obaviješteni o izboru najpovoljnije ponude.

**Član 3.**

Kandidat/ponuđač kojem je dodijeljen Ugovor je obavezan dostaviti dokaze o kvalifikaciji ponuđača, odnosno originale ili ovjerene kopije dokumentacije iz člana 45. stav (1) tačke a) do d) Zakona o javnim nabavkama („Službeni glasnik BiH”, broj: 39/14 i 59/22), iz Priloga 4. tenderske dokumentacije, člana 47. stav (1) tačke a) i c) Zakona o javnim nabavkama („Službeni glasnik BiH”, broj: 39/14 i 59/22), iz Priloga 5. tenderske dokumentacije i člana 51 stav (1) tačka a) do c) Zakona o javnim nabavkama („Službeni glasnik BiH”, broj: 39/14 i 59/22) i iz Priloga 6. tenderske dokumentacije u roku od 5 kalendarskih dana. Rok od 5 dana teče od perioda dobijanja ili preuzimanja Odluke o izboru najpovoljnijeg ponuđača.

#### **Član 4.**

Izabrani ponuđač, kao uslov za potpisivanje ugovora obavezan je, u roku od 5 (pet) dana od dana prijema Obavještenja o rezultatu postupka javne nabavke dostaviti Ugovornom organu ovlaštenje Federalnog ministarstva prostornog uređenja za građenje građevina iz područja visokogradnje (stambene i nestambene građevine) ili ovlaštenja Federalnog ministarstva prostornog uređenja za izvođenje pojedinih dijelova građevine iz područja visokogradnje (grubi građevinski radovi, građevinsko-zanatski radovi). Ukoliko izabrani Ponuđač u ostavljenom roku, propusti da dostavi tražena ovlaštenja/licence, prijedlog ugovora će se dostaviti Ponuđaču čija je ponuda po rang listi odmah nakon ponude izabranog Ponuđača.

#### **Član 5.**

Ova Odluka objavit će se na web-stranici Ugovornog organa ([www.fmroi.gov.ba](http://www.fmroi.gov.ba)) istovremeno s upućivanjem primjeraka Odluka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH” broj:39/14 59/22).

#### **Član 6.**

Ova Odluka stupa na snagu danom donošenja.

### ***O b r a z l o ž e n j e***

Postupak javne nabavke za izvođenje građevinskih radova na izgradnji Doma za stara i iznemogla lica u Gradu Goraždu (30 stambenih jedinica), Pod-projekat 104 CON u okviru Projekta CEB II “Zatvaranje kolektivnih centara i alternativnih smještaja putem javnih stambenih rješenja”, koji implementira PIU FBiH, pokrenut je Odlukom o pokretanju postupka javne nabavke, broj: 04-36-1-2053-2066/13 od 27.03.2023. godine.

U postupku prethodne provjere i ispitivanja tržišta za potrebe Federalnog ministarstva raseljenih osoba i izbjeglica, a u vezi sa implementacijom Projekta CEB II „Zatvaranje kolektivnih centara i alternativnih smještaja pružanjem javnih stambenih rješenja“, putem e-maila, dana 23.01.2023. godine poslan je upit o cijenama izvođenja građevinskih radova (Predmjer radova) na adresu potencijalnih ponuđača: GD Konstrukcije d.o.o Mostar, GTR d.o.o Mostar, Izgradnja Tojaga d.o.o Mostar, Džekos d.o.o. Sarajevo, GPD Drina d.o.o. Goražde, Tehnograd Company d.o.o Tuzla, Tom-Cat d.o.o. Tuzla, Interext d.o.o Tuzla, Papon d.o.o. Koraj Čelić, Baumax d.o.o Srebrenik, Džena d.o.o. Gradačac, Emir Komerc Kurbegović d.o.o Sanski Most, Braća Mičić d.o.o Modriča, Dola d.o.o Cazin, Gratod d.o.o Banja Luka, Vinković d.o.o Oštra Luka, ITC d.o.o Zenica i Univerzal d.o.o Gornji Vakuf.

Svoje odgovore sa ponuđenom cijenom u predviđenom roku su dostavili Drina d.d. Goraže i Tom-Cat d.o.o. Tuzla.

Procijenjena vrijednost javne nabavke je 3.520.494,00 KM bez PDV-a.

Javna nabavka je planirana u Planu javnih nabavki za 2023. godinu, za projekat CEB II-PIU FBiH i evidentirana je pod rednim brojem 03/23-CEB II, Pod-projekat 104 CON, a koji je objavljen na web stranici Ugovornog organa ([www.fmroi.gov.ba](http://www.fmroi.gov.ba)) u skladu sa članom 17. Zakona o javnim nabavkama („Službeni glasnik BiH” broj:39/14 i 59/22). Javna nabavka je sprovedena Otvorenim postupkom u skladu sa Zakonom o javnim nabavkama („Službeni glasnik BiH”, broj: 39/14 i 59/22).

Kriterij za ocjenu ponuda je "najniža cijena" tehnički zadovoljavajuće ponude.

Obavještenje o nabavci broj: 668-1-3-13-3-29/23 objavljeno je dana 27.03.2023. godine na Portalu javnih nabavki ([www.ejn.gov.ba](http://www.ejn.gov.ba)). Sažetak je objavljen u „Službenom glasniku BiH” broj 22, str. 57 od 31.03.2023.godine;

Komisija za javnu nabavku imenovana je Rješenjem Ugovornog organa, broj: 04-36-1-2053-2066-2/13 od 27.03.2023. godine. Komisija za javnu nabavku dostavila je Zapisnik o pregledu i ocjeni ponuda broj: 04-36-1-2053-2085/13 od 09.05.2023.godine, odgovornoj osobi Ugovornog organa.

U Zapisniku o pregledu i ocjeni ponuda utvrđeno je da je Komisija u skladu sa Zakonom, blagovremeno i pravilno izvršila otvaranje dostavljenih ponuda i njihovu ocjenu, o čemu je sačinila odgovarajući Zapisnik, u kojem je utvrđeno slijedeće:

- U tabeli br. 1, u skladu sa provedenim postupkom iz člana 1. ove Odluke, svoje ponudu dostavio je slijedeći ponuđač:

RB	Broj protokola	Naziv i sjedište ponuđača	Koverta ispravno zatvorena (zapečaćena ili potpisana) (da/ne)	Ukupna cijena ponude u KM (bez PDV-a)	Popust na cijenu ponude u KM (bez PDV-a)	Ukupna cijena ponude sa popustom u KM (bez PDV-a)
1.	04-36-1-2053-2081/13	GPD Drina d.d. Goražde	Da	3.518.843,03 KM	0,00 KM	3.518.843,03 KM

Konstatovano je:

- da je ukupno dostavljena 1 (jedna) ponuda,
- da je blagovremeno zaprimljena 1 (jedna) ponuda,
- da nije bilo neblagovremeno zaprimljenih ponuda i
- da dostavljena ponuda u postupku nabavke ispunjava formalno - pravne uslove u skladu sa Zakonom o javnim nabavkama i odredbama tenderske dokumentacije Ugovornog organa.

Svi članovi Komisije sa pravom glasa koristili su tabelu za tehničku evaluaciju, kako bi procijenili ispunjenost tehničkih uslova propisanih tenderskom dokumentacijom u okviru ponuda koje ispunjavaju formalne uslove. U procesu tehničke evaluacije, a na osnovu uslova i zahtjeva iz tenderske dokumentacije vezanih za oblik, sadržaj i potpunost ponude, ustanovljeno je da dostavljena ponuda ponuđača GPD Drina d.d. Goražde ispunjava tehničke uslove date u tenderskoj dokumentaciji.

- U tabeli br. 2 dat je pregled i izvršeno je rangiranje prihvatljivih ponuda prema kriteriju za izbor ponude „najniža cijena“ kako slijedi:

RB	Naziv ponuđača	Cijena iz obrasca ponude bez popusta i bez PDV-a	Popust	Ukupna cijena nakon računске provjere (sa popustom i bez PDV-a)
1.	GPD Drina d.d. Goražde	3.518.843,03 KM	0,00 KM	3.518.843,03 KM

U predmetnim postupkom predviđeno i provođenje e-aukcije, obzirom da je zaprimljena samo jedna prihvatljiva ponuda u okviru predmetnog postupka, e-aukcija se nije provodila, kako je to i predviđeno članom 3. stav (3) Pravilnika o uslovima i načinu korištenja e-aukcije ( Službeni glasnik BiH, broj 66/16).

Nakon izvršene ocjene ponude, Komisija za javnu nabavku je uz Zapisnik o pregledu i ocjeni ponuda, broj: 04-36-1-2053-2085/13 od 09.05.2023.godine, dala svoju Preporuku za prihvatanje ponude i donošenje odluke o izboru najpovoljnijeg ponuđača broj:04-36-1-2053-2086/13 od 09.05.2023.godine, za dodjelu Ugovora prvoplasiranom ponuđaču na rang listi **GPD Drina d.o.o. Goražde.**

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te ocjenu prispjele ponude u skladu sa Zakonom o javnim nabavkama („Službeni glasnik BiH” broj:39/14 i 59/22) i kriterijima iz tenderske dokumentacije.

Uzimajući u obzir naprijed navedeno, primjenom člana 64., stav 1., tačka b) Zakona o javnim nabavkama („Službeni glasnik BiH” broj: 39/14 i 59/22), odlučeno je kao u članu 1. ove Odluke.

Po okončanju roka za žalbu, ugovorni organ će pozvati odabranog ponuđača na zaključenje ugovora kojim će se regulisati međusobna prava i obaveze vezane za predmetnu nabavku shodno nacrtu ugovora datom u tenderskoj dokumentaciji.

#### **POUKA O PRAVNOM LIJEKU:**

Protiv ove Odluke svaki od ponuđača koji je učestvovao u postupku nabavke može izjaviti žalbu u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka

**MINISTAR**

Nerin Dizdar

Dostaviti:

- Svim učesnicima u postupku
- Web stranica Ministarstva
- Radna grupa za javne nabavke Projekta CEB II
- a/a